



### Headlines

- प्रधानमंत्री नरेंद्र मोदी होंरें आखेआ जे केंद्र बजट मुलख आस्तै 5 बरे लेई दिशा तैय करोग ते 2047 तगर विकसित भारत बनाने आले अभियान दे सुखने दी नीहू बनोग।
- संसद दा बजट सत्र अज्ज शुरू होआ। वित्त मंत्री निर्मला सीतारमण होंरें लोकसभा च आर्थिक सर्वेक्षण पेश कीता।
- प्रधानमंत्री नरेंद्र मोदी होंर 26 जुलाई गी लद्दाख दा दौरा करडन। ओहू कारगिल विजय दिवस दी 25मीं बरे गंड पर शहीदें गी श्रद्धांजलि भेंट करडन।
- सरकार नै पी.एम सूर्या घर मुफ्त बिजली योजना तैहत DISCOM दे जत्तें दी अमलावरी आस्तै दिशा-निर्देश जारी कीते।



### PM-Parliament

प्रधानमंत्री नरेंद्र मोदी होंरें आखेआ ऐ जे कल पेश कीते जाने आहले बजट मुलख दी अगले 5 बरे लेई दिशा तय करोग ते एहू 2047 तगर विकसित भारत दे सुखने गी साकार लेई नीहू बनोग। संसद दे बजट सत्र सोयां पैहले संसद दे बाहरे संवाददाताएं कन्नै गल्लबात करदे होई मोदी होंरें आखेआ जे लोकसभा चुनां च मुलख दी जनता नै फैसला देई दित्ता ऐ जे सारे राजनीतिक दलें गी मिलिये अगरे 5 बरे लेई मुलख आस्तै किट्टै होना लोडचदा। मोदी होंरें कथित तौर पर नकारात्मक राजनीति करने आस्तै विपक्षी दलें दी निंदेआ करदे होई आखेआ जे उनें अपनी असफलताएं गी छपैलने आस्तै संसद दे समें दा इस्तेमाल कीता। पिच्छले सत्र च संसद सत्र च रूकावट पाने दा जिक्र करदे होई मोदी होंरें आखेआ जे विपक्षी दलें संसद च सत्ता पक्ख दी अवाज गी दबाने दी कोशिश कीती। प्रधानमंत्री होंरें राजनीतिक दलें सोयां राजनीतिक एजेडे आस्तै नेई सगुआं मुलख आस्तै कम्म करने दा आग्रह करदे होई आखेआ जे सदन राजनीतिक दलें आस्तै नेई सगुआं मुलख आस्तै ऐ। उनें आखेआ जे सदन सांसदें आस्तै नेई सगुआं 140 करोड़ देशवासिएं आस्तै ऐ। उनें सब्बनें दलें गी अपील कीती जे सारे सदस्य खास करी पैहली बारी बने दे सदस्यें गी अपने विचार जाहिर करने दा मौका दित्ता जा। मोदी होंरें इस गल्ला दा बी जिक्र कीता जे पिछले त्रै बरें च लगभग 8 फीसद दे बाहे कन्नै भारत प्रमुख अर्थ बवस्थाएं च सब्बनें थवां तेजी कन्नै बदने आला देश बनेआ ऐ। प्रधानमंत्री होंरें सारे राजनीतिक दलें सोयां पार्टी आधारित राजनीति थवां उप्पर उठने ते अगले 4 बरें आस्तै अपने आपा गी मुलख गी समर्पित करने दा आग्रह कीता। उनें आखेआ जे जनवरी 2029 च चुनावी बरे दौरान दल राजनीति करी सकदे न, पर उसलै तगर सारें गी मुलख, युवा ते करसानें दे सशक्तिकरण च शामिल होना लोडचदा।

<><><><><><>

## LS-Budget Session

संसद दा बजट सत्र अज्ज शुरू होआ जेहड़ा 12 अगस्त तक्कर जारी रौहगा। इस सत्र च कुल 16 बैठकां लगंगना। स्हाड़े संवाददाता दी रिपोर्ट मुजब एह सत्र मुख्त तौरा पर 2024-25 ब'रे लेई केंद्री बजट कनै जुड़े दे माली कारोबार गी समर्पित होगा। इस सत्र दौरान सरकार दे 6 नमें बिल पेश करने दी संभावना ऐ। इस बिल च आपदा प्रबंधन (संशोधन) बिल, The Boiler Bill , भारतीय वायुयान विधेयक, The Coffee ( प्रचार ते विकास) बिल ते The Coffee (प्रचार ते विकास) बिल शामिल ऐ। सरकार नै कल नमीं दिल्ली च इक सर्वदलीय बैठक लाई तां जे दौनें सदनें दा सुचारू कम्मकाज यकीनी बनाया जाई सकै।

<><><><><><>

## FM-Economies-Survey

आर्थिक-सर्वेक्षण 2023-24 च माली बरे 2024-25 आस्तै सकल घरेलू उत्पाद दी वृद्धि दर स्हाड़े 6 सोयां 7 फीसद बश्कार रौहने दा अनुमान लाया गेआ ऐ। केंद्री वित्त मंत्री निर्मला सीतारमथ होंरें बजट सत्र थवां पैहले दिन लोकसभा च आर्थिक सर्वेक्षण पेश कीता। सर्वेक्षण मुजब माली बरे 2023-24 च अनिश्चित वैश्विक आर्थिक चुनौतिएं दे बावजूद घरेलू वृद्धि सरबन्धी कारकें आर्थिक विकास च मदद कीती ऐ। सर्वेक्षण च आखेआ गेआ ऐ जे उत्पादन बपार ते सेवाएं दे निर्यात च बाढ़े दी संभावना ऐ। एहदे च आखेआ गेआ ऐ जे भारतीय मौसम विज्ञान विभाग आस्सेआ सामान्य बरखा दे पूर्वानुमान ते दक्खन पच्छिम मानसून दे करी कृषि क्षेत्र च उत्पादन च सुधार दी मेद ऐ। सर्वेक्षण मुजब चीजें-बस्ते ते सेवाएं सरबन्धी कर ते आई.बी.सी जनेहू ढांचागत सुधार बी होए ते उंदे नतीजे बी थहोन लगी पे'ना।

<><><><><><>

## Pradhan-NEET

सरकार नै आखेआ ऐ जे पिछले 7 बरे च मुख्त च पेपर लीक दा कोई मामला सामने नेई आया ऐ। ओहू नीट-यू.जी पेपर लीक मामले च किश बी नेई छपेला रदी ऐ। शिक्षा मंत्री धर्मेन्द्र प्रधान होंरें लोकसभा च प्रश्नकाल दौरान जिमनी सोआलै दा परता दिंदे होई आखेआ जे राश्ट्रीय परीक्षा एजेंसी नै अपनी स्थापना मगरा सोयां 240 म्तेहान आयोजित कीते ना। इंदे च साड्डे 4 करोड़ सोयां मते विद्यार्थी शामिल होए। प्रधान होंरें विपक्ष दे नेता राहुल गांधी हुंदे उस बयान दी नुक्ताचीनी कीती जेदे च उनें मुख्त दी परीक्षा प्रणाली दी निंदेआ कीती ही। मुख्त च पेपर लीक दी घटनाएं बारै विपक्षी दलें दे आरोपें गी खारिज करदे होई धर्मेन्द्र प्रधान होंरें आखेआ जे मुख्त भरै च छड़ा इक मामला पटना च सामने आया ऐ। उनें आखेआ जे सीबीआई मामले दी जांच करा'रदी ऐ। एहू मामला सुप्रीम कोर्ट दे जरे-गौर ऐ। प्रधानमंत्री होंरें सदन गी दस्सेया जे नीट-यू.जी म्तेहान च छड़ी इक थाह पर अनियमतता ते भ्रष्टाचार दे मामले दा पता लगगा ऐ। एहदे थवां पैहले विपक्ष दे नेता राहुल गांधी होंरें एहू मामला पुट्टे होई आरोप लाया जे मुख्त दी परीक्षा प्रणाली च बड़ी गंभीर समस्या ऐ। उनें आखेआ जे लक्खां बदे विद्यार्थी म्तेहानें ते अपने भविक्ख गी लेइए चिंतित ना।



## Dhankar-RS

राज्यसभा दी कार्रवाई दे पैहले दिन राज्यसभा दे अध्यक्ष जगदीप धनखड़ होरें सदस्यें सोयां चर्चा दौरान अनुकूल माहौल बनाई रखने दा आग्रह कीता। उनें सदस्यें गी मुख्य सामने बेहतर मिसाल कायम करने लेई आखेआ। उनें मिम्बरें गी आखेआ जे ओहू किट्टे रलिए लोकें दे कल्याण लेई कम्म करना। मगरा उनें उत्तर प्रदेश दे कथित आदेश दे मुद्दे पर कांग्रेस, वाम दलें ते तृणमूल कांग्रेस सने होरनें केई विपक्षी दलें आस्सेआ आहने गेदे स्थगन प्रस्ताव गी नामंजूर करी दिता।



## Rajouri-CASO

राजौरी जिले दे अगेत्रे जिले च इक आतंकवाद रोधी कार्रवाई च इक बेपंछानू आतंकवादी मारेआ गेआ ऐ ते इक सैनिक घायल होआ ऐ। आकाशवाणी जम्मू संवाददाता दी रिपोर्ट मुजब आतंकवादिणें राजौरी जिले दे गुंडा ख्वास ग्रांस च शौर्य चक्र कन्नै सम्मानित पुरषोत्तम कुमार जेडे जे ग्राम रक्षा कमेटी दे मिम्बर न दे घरै कश कायम इक नाके पर हमला कीता। एहदे च इक जोआन गी गोली लग्गी। हमले मगरा व्यापक तपाशी अभियान चलाया गेआ। एह नाका आतंकवादिणें दी मौजूदगी बारै सूह थहोने मगरा कायम कीता गेआ हा। सेना आस्सेआ जम्मू खित्ते दे प्हाडी जिले च 4 जहार बादू जोआन तैनात कीते गए न तां जे इनें लाहकें च सक्रिय आतंकवादिणें दे समूह कन्नै निब्बड़ेया जाई सकै। पुरषोत्तम कुमार होरें गी हाल च गे राष्ट्रपति हुंदे आस्सेआ शौर्य चक्र कन्नै सम्मानित कीता गेआ हा। इनें कालाकोट च आतंकवादी गी मारने च मदद कीती ही। 9 जून मगरा जम्मू खित्ते च 6 आतंकवादी हमले होई चुके दे न जेदे च 12 सुरक्षाकर्मी शहीद होए न। एह हमले पुंछ, राजौरी, डोडा ते कठुआ जिले च पेश आए हे।



## PM-Kagil Vijay Diwas

प्रधानमंत्री नरेंद्र मोदी होर 26 जुलाई गी कारगिल विजय दिवस दी 25मीं बरेगंड दे मौके पर लद्दाख जांगन ते भारत दे वीर सैनिकें गी श्रद्धांजलि भेंट करंगन। अधिकारिणें दस्सेया ऐ जे कार्यक्रम कारगिल दे द्रास च 24 जुलाई कोलां लेइयै 26 जुलाई तक्कर मनाया जाग। प्रधानमंत्री हुंदा कारगिल वार मेमोरियल थाह औना इस कार्यक्रम दा मुख् आकर्षण होगा। इस दौरान प्रधानमंत्री होर श्रद्धांजलि अर्पित करडन। वॉल ऑफ फेम जाडन ते कारगिल वार म्यूजियम दा बी दौरा लाडन। प्रधानमंत्री हुंदे दौरे गी दिक्खदे होई लद्दाख दे उपराज्यपाल डॉ. बी.डी मिश्रा होरें सुरक्षा इंतजामी गी खीरी रूप देने लेई इक बैठक लाई। इस बैठक च सुरक्षा इंतजाम, सुआगत प्रक्रिया ते ग्रीन रूम दी बनावट लेई चर्चा कीती गेई। 8 माउंटेन डिविजन दे जनरल आफिसर कमांडिंग मेजर जनरल सचिन मलिक होरें उपराज्यपाल होरें गी सुरक्षा इंतजाम बारै दस्सेया।



## Govt. DISCOMs

सरकार नै पी.एम शर्यि घर- मुफ्त बिजली योजना दे तैहत DISCOM बिजली दी बंड सरबन्धी कंपनीं गी प्रोत्साहन देने आस्तै दिशा निर्देश जारी कीते न। सौर क्षमता दी हिस्सेदारी बढ़ाने ते छत्ते पर अपनी बिजली बनाने दे मकसद कन्नै इस योजना गी इस बरे फरवरी म्हीने केंद्र सरकार नै मंजूरी दित्ती ही। एह दिशा-निर्देश पी.एम सूयघर मुफ्त बिजली योजना दे DISCOM घटके गी प्रोत्साहन ते अमलावरी गी नियंत्रित करोग। बिजली मंत्री होरें आखेआ जे इस योजना लेई 75 ज्हार करोड़ रुपें थवां मते रक्खे गए न ते इसी 2026-27 तगर लागू कीता जाना ऐ।

<><><><><><>

## JK Amarnath Yatra

श्री अमरनाथ जी दी जात्तरा दा 25मां जत्था जेदे च 3 ज्हार 200 कोलां मते यात्रु शामिल हे, अज्ज बड्डलै सख्त सुरक्षा बंदोबस्त हेठ जम्मू थमां श्री अमरनाथ जी दी पवित्र गुफा लेई रवाना होआ। आकाशवाणी संवाददाता दी रिपोर्ट मुजब 3 ज्हार 281 यात्री 114 गड्डियें च सवार होई भगवती नगर आधार शिविर थमां रवाना होए। इंदे शा 1 ज्हार 979 यात्रु पैहलगाम लेई ते 1 ज्हार 302 यात्रु बालटाल लेई रवाना हो जित्थुआं एह पवित्र गुफा लेई अपनी यात्रा शुरू करडन। 28 जून थमां अजें तक्कर भगवती नगर आधार शिविर थमां 1 लक्ख 23 ज्हार 13 श्रद्धालु यात्रा लेई रवाना होई चुके देन। कल 9 ज्हार कोलां मते श्रद्धालुएं श्री अमरनाथ जी दी पवित्र गुफा च मत्था टेकेया। यात्रा शुरू होने कोलां लेइयै अजें तक्कर 3 लक्ख 95 ज्हार 979 श्रद्धालु दर्शन करी चुके देन। महंत दीपेंद्र गिरी जी होरें श्री अमरनाथ जी दी छड़ी मुबारक दी पैहलगाम च पूजा अर्चना कीती जेदे च उनें भूमि पूजन, नवग्रह पूजन ते छड़ी पूजन कीता। इस पूजा अर्चना च मती गिनतरी च साधु ते श्रद्धालु शामिल हें 52 दिने चलने आहली एह यात्रा सौहन म्हीने दी पुण्णिया रक्खड़ी आहले दिन 19 अगस्त गी खत्म होई जाग।

<><><><><><>

## Savan-Mass

सौहन म्हीने दे पैहले सोमवार दे मौके पर ज्हारां बदे श्रद्धालु श्री बुड्डा अमरनाथ जी दे दर्शन करने लेई पुज्जे। श्रद्धालुएं पैहले पवित्र गौरीकुंड च स्नान कीता फ्ही बाबा बुड्डा अमरनाथ चट्टानी दे दर्शन करियै सब्बनें दे सुख-शांति लेई प्रार्थना कीती। बुड्डा अमरनाथ जी मैनेजमेंट कमेटी नै यात्रुएं दा जोरें-शेरें कन्नै सुआगत कीता। सहादे जिला संवाददाता अनुभव मिसरी हुंदे कन्नै श्री बाबा बुड्डा अमरनाथ जी मंदर दे पुजारी होरें गल्लबात कीती।

<><><><><><>

## Variksha-Mitra

वृक्ष मित्र संगीत भारती जम्मू, डुग्गर फिल्म संस्थान ट्रस्ट ते Ommaa production Jammu नै कट्टे रलियै सौहन म्हीने दे शुभ मौके पर जम्मू-कश्मीर च बूहटे लाने दी मुहिम शुरू कीती। इस मुहिम दा मुख्क उद्देश्य “वृक्ष

लगाओ जीवन बचाओ“ उप्पर केंद्रित हा जेदे च युवाएं गी बूहटे दी महत्व बारै दस्सेया गेआ। स्हाढे जिला संवाददाता अंकुश शर्मा हुंदे कन्नै गल्लबात करदे होई Retd. Captain Lalit Sharma होरें आखेआ।

<><><><><><>

## EPMKN-NCC

प्रधानमंत्री नरेंद्र मोदी आस्सेआ शुरू कीती गेदी मुहिम “एक पेड़ मां के नाम” तैहत 4<sup>th</sup> BN NCC नै साम्बा दे जंगलात मैहकमे कन्नै रलियै साम्बा जिले दे ब्रिगेडियर राजेंद्र सिंह मेमोरियल पार्क च अज्ज इक बूहटे लाने दी मुहिम शुरू कीती। इस मौके उप्पर सेवानिवृत्त मेजर जनरल गोवर्धन सिंह जम्वाल होर मुख परौहने हे ते इस कार्यक्रम च सेना दे अफसरें, एनसीसी कैडेट्स, वरिष्ठ नागरिकें सनें कई मकामी लोकें बी हिस्सा लेआ। स्हाढे जिला संवाददाता सतपाल शर्मा हुंदे कन्नै Retd. Maj. General Goverdhan Singh Jamwal होरें गल्लबात करदे होई आखेआ।

<><><><><><>